

**Broj: 2856-9/17**

**Sarajevo, 06.06.2017. godine**

Na osnovu člana 69. stav 2. tačka d. i e., člana 70. st. 1, 4. i 6. Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku broj: 2856-7/17 od 05.06.2017. godine u postupku javne nabavke roba – Aparat za mjerenje intraokularne leće – otvoreni postupak - tender broj 8/17, direktor Javne ustanove Opća bolnica „Prim. dr. Abdulah Nakaš“ je donio

### **ODLUKU o poništenju postupka javne nabavke**

#### **Član 1.**

Poništava se postupak javne nabavke roba – Aparat za mjerenje intraokularne leće – otvoreni postupak - tender broj 8/17 iz razloga što nijedna od primljenih ponuda nije prihvatljiva.

#### **Član 2.**

Ova odluka objavit će se na web-stranici Javne ustanove Opća bolnica „Prim. dr. Abdulah Nakaš“ (**www.obs.ba**) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### **Obrazloženje**

**Postupak javne nabavke pokrenut je Odlukom o pokretanju postupka javne nabavke broj: 2856-2/17 od 14.04.2017. godine.**

**Procijenjena vrijednost javne nabavke bez PDV-a je 55.000,00 KM.**

**Obavještenje o nabavci broj: 1125-1-1-120-3-24/17 poslato je na objavljivanje dana 28.04.2017. godine, a objavljeno je na Portalu javnih**

nabavki dana 28.04.2017. godine, a u „Sl. glasniku BiH“, broj 32/17 od 05.05.2017. godine.

Ispravka obavještenja o nabavci broj: 1125-1-1-120-8-28/17 poslato je na objavljivanje dana 16.05.2017. godine, o objavljena je na Portalu javnih nabavki dana 16.05.2017. godine, a u „Sl.glasniku BiH“, broj 36/17 od 19.05.2017. godine.

Komisija za javnu nabavku imenovana je Rješenjem broj: 2856-3/17 od 14.04.2017. godine.

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: 2856-6/16 od 05.06.2017. godine, Preporuku o poništenju postupka nabavke broj: 2856-7/17 od 05.06.2017. godine i Izvještaj o radu broj: 2856-8/17 od 06.06.2017. godine, u postupku javne nabavke roba – **Aparat za mjerenje intraokularne leće.**

U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - 3;
- da su blagovremeno zaprimljene 3 ponude;
- da nije bilo neblagovremeno zaprimljenih ponuda;
- **da ponude ponuđača ĐAKOVIĆ d.o.o. Banja Luka, BAROŠ d.o.o. Sarajevo i OMNIA-MEDIC d.o.o. Zenica nisu prihvatljive iz sljedećih razloga:**

**Ponuda ponuđača „Đaković“ d.o.o. Banja Luka** nije prihvatljiva iz razloga što je uvidom u dokumentaciju, ponude i kataloge krajnji korisnik utvrdio da ponuđeni aparat ne zadovoljava minimalne uslove tražene u tehničkoj specifikaciji i to: Pod rednim brojem 1.2.3. tehničke specifikacije (Prilog/Aneks 3) u tenderskoj dokumentaciji na strani 37. tražene su formule za izračunavanje IOL-a koje su bitne za operaciju katarakte. Navedeni aparat Optički biometar OA-2000 proizvođača TOMEY ne ispunjava tražene uslove iz tenderske specifikacije, jer mu nedostaju sljedeće mogućnosti:

Standardne:

1. Binkhorst
2. Camellin-Calossi

Post-LASIK:

1. Camellin-Calossi

Najveći nedostatak ponuđenog aparata je što ne posjeduje Post-LASIK formulu Camellin-Calossi. Zbog velikog broja pacijenata koji su već izvršili lasersku operaciju skidanja dioptrije, ovom formulom se precizno izračunava jačina intraokularne leće, što je važna karakteristika.

Ponuđač „**Đaković**“ d.o.o. Banja Luka u svojoj ponudi također nije dostavio kopiju ponude, a što je zahtijevano na strani 16. u tački 1.odjeljka d) - Podaci o ponudi tenderske dokumentacije.



Zbog svega gore navedenog, ponuda ponuđača „**Daković**“ d.o.o. Banja Luka se odbacuje u skladu sa članom 68. stav (4) tačka i) Zakona o javnim nabavkama.

**Ponuda ponuđača „BAROŠ“ d.o.o. Sarajevo** nije prihvatljiva iz razloga što u svojoj ponudi ponuđač nije dostavio spisak izvršenih ugovora koji sačinjava sam ponuđač na svom poslovnom papiru/memorandumu, kao ni potvrdu koju daje druga ugovorna strana o realizaciji ugovora. Navedeni ponuđač također nije dostavio ni Izjavu privrednog subjekta o uredno izvršenim ugovorima uz predočenje dokaza o učinjenim pokušajima da se takva potvrda osigura. Sve navedeno je traženo u tački 4) Tehnička i profesionalna sposobnost - član 48. do 51. Zakona na strani 12. tenderske dokumentacije. Navedeni ponuđač također nije dostavio ni Izjavu o prihvatanju perioda važenja ponude (90 dana) a što je traženo u odjeljku d) Podaci o ponudi, tačka 8) Period važenja ponude na strani 21. tenderske dokumentacije.

Zbog svega gore navedenog, ponuda ponuđača „**Baroš**“ d.o.o. Sarajevo se odbacuje na osnovu člana 68. stav (4) tačka i) Zakona.

**Ponuda ponuđača „Omnia-Medic“ d.o.o. Zenica** nije prihvatljiva iz razloga što je cijena ponude ponuđača za navedenu nabavku znatno veća od sredstava koje je ugovorni organ osigurao za predmetnu nabavku. Ponuđač „ Omnia-Medic“ d.o.o. Zenica u svojoj ponudi nije dostavio Certifikat servisera koji je u radnom odnosu kod ponuđača, a što je zahtijevano na strani 14. tenderske dokumentacije. Takođe, u ponudi navedeni ponuđač u Aneksu 3 – Tehnička specifikacija u tački 1.2.4. Mogućnost spajanja opcionalne ultrazvučne sonde naveo je „NE“, te iz tog razloga se ne može prihvatiti Tehnička specifikacija predmetne ponude.

Zbog svega gore navedenog, ponuda ponuđača „**Omnia-Medic**“ d.o.o. Zenica se odbacuje na osnovu člana 68. stav (4) tačka i) i člana 69. stav (2) tačka d) i e) Zakona o javnim nabavkama.

Nadalje, u postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

U postupku predmetne nabavke nesumnjivo je utvrđeno da nijedna od primljenih ponuda nije prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav 2. tačka d) i e) Zakona o javnim nabavkama, odlučeno je kao u članu 1. ove odluke.

## **POUKA O PRAVNOM LIJEKU**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javna ustanova Opća bolnica „Prim. dr. Abdulah Nakaš“,  
Kranjčevićeva broj 12, Sarajevo.**

Žalba se podnosi u najmanje 3 (tri) primjerka.

PRIPREMLA:  
Amira Petrović, BA općeg prava  
Referent za pravne poslove

*AP*

KONTROLISALA:  
Sadića Hrustemović, dipl. jur.  
Koordinator za javne nabavke

*SH*



**DIREKTOR**

Prim. dr. Zlatko Kravić

*Zlatko Kravić*

### **Dostaviti:**

- Ponuđaču: „Đaković“ d.o.o. Banja Luka
- Ponuđaču: „Baroš“ d.o.o. Sarajevo
- Ponuđaču: „Omnia-Medic“ d.o.o. Zenica
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.